

CYNGOR SIR CEREDIGION COUNTY COUNCIL

Adroddiad i'r: Pwyllgor Trosolwg a Chraffu Cymunedau Dysgu
Dyddiad y cyfarfod: 09/05/2024

Teitl: Diweddariad - Sgilliau Bywyd Sgilliau Gwaith a Lluosi

Pwrpas yr adroddiad: Darparu gwybodaeth am y ddau brosiect

Rheswm pam fod Craffu wedi gofyn am y wybodaeth:

Portffolio Cabinet ac Aelod Cabinet: Wyn Thomas

Cefndir

Sgilliau Bywyd Sgilliau Gwaith

Mae prosiect Sgilliau Bywyd Sgilliau Gwaith yn cael ei ariannu gan Gronfa Ffyniant Gyffredin y DU (CFfG). Cychwynnodd y cyllid ar 1 Rhagfyr 2022 a bydd yn dod i ben ar 31 Rhagfyr 2024. Cafodd y cyllid hwn ei ragflaenu gan Gronfa Gymdeithasol Ewrop (CCE) a ddaeth i ben ar 31 Tachwedd 2022.

Mae prosiect Sgilliau Bywyd Sgilliau Gwaith yn cefnogi dysgwyr drwy gynnig mynediad at ddatblygu sgilliau, profiad/cyfleoedd gwaith â thâl, cefnogaeth mewn swydd a chyfleoedd hyfforddi ac ati a fydd yn arwain at achrediad, cymwysterau a chyflogaeth.

Mae'r prosiect Sgilliau Bywyd Sgilliau Gwaith yn gweithio gyda unigolion rhwng 13 a 25 oed sydd mewn perygl o ddod yn NEET (Ddim mewn Cyflogaeth, Addysg na Hyfforddiant). Mae'n cefnogi'r rhai sydd mewn perygl o ymddieithrio rhag addysg neu hyfforddiant drwy ddarparu ymyriadau dwys i wella eu presenoldeb a'u cyrhaeddiad yn yr ysgol. Mae'r galw wedi cynyddu ar ôl y pandemig gyda mwy o bobl ifanc yn ymddieithrio rhag addysg, cyflogaeth a hyfforddiant.

Nod prosiect Sgilliau Bywyd Sgilliau Gwaith yw sicrhau bod dysgwyr sydd mewn perygl o gael eu niweidio yn gallu cael mynediad at gwricwlwm galwedigaethol wedi'i deilwra i ddiwallu eu hanghenion gydag ystod o wahanol gyrsiau, gan roi'r cyfle gorau iddynt allu cyflawni a chyrraedd eu llawn botensial. Ein nod yw datblygu sgilliau cymdeithasol, emosiynol ac ymddygiadol dysgwyr a gwella eu cyrhaeddiad a'u presenoldeb gan sicrhau eu bod yn cael cyfleoedd dilyniant priodol i gyflawni lefelau uwch o gymwysterau neu gyfleoedd profiad gwaith er mwyn cael gwaith.

Rydym hefyd yn gweithio gyda phobl 16+ gan gynnig cymorth mewn gwaith a phecynnau cofleidiol, a all gynnwys prynu Cyfarpar Diogelu Personol, dillad priodol, costau teithio ac ati. Mae'r cymorth hefyd yn cynnwys mentora, hyfforddi, a darparu cyrsiau hyfforddi i wella sgilliau sylfaenol a sgilliau bywyd. Mae dysgwyr ar raglen Sgilliau Bywyd Sgilliau Gwaith hefyd yn cael cyfle i ymgymryd â phrofiad gwaith â thâl / cyfleoedd gwirfoddoli. Fel rhan o'r rhaglen hon, rydym hefyd yn cynnig cymorth gwaith i gyfranogwyr sydd wedi dod o hyd i waith i sicrhau eu bod yn llwyddo i aros yn y swydd. Mae hyn yn cynnwys cefnogaeth ddwys am y 3 mis cyntaf gan leihau'n araf nes y bydd gwiriad terfynol yn dilyn 12 mis.

Cyflwynir prosiect Sgilliau Bywyd Sgilliau Gwaith ledled y sir. Rydym yn gweithio ar y cyd â'r tîm Cymorth ac Atal, y tîm Ymyrraeth Gynnar, UCD, a phob un o'r saith Ysgol Uwchradd / Ysgolion Gydol Oed yng Ngheredigion. Cynhelir yr holl gyrsiau galwedigaethol gan Hyfforddiant Ceredigion yng Nghanolfan Ddysgu Llanbadarn a Chanolfan Cwrtnewydd.

Lluosi

Mae prosiect Lluosi hefyd yn cael ei ariannu gan Gronfa Ffyniant Gyffredin y DU (CFfG). Cychwynnodd y cyllid ar 1 Hydref 2022 a bydd yn dod i ben ar 31 Rhagfyr 2024. Mae Gwasanaeth Dysgu Gydol Oes a Sgiliau'r Awdurdod Lleol yn un o chwe darparwr sy'n cynnig y prosiect hwn yng Ngheredigion ar hyn o bryd. (Gweler y map isod)

Wedi ei ariannu gan Llywodraeth y DU

Gwersi Mathemateg AM DDIM!

- Lluosi 24, Colog Ceredigion**
Gwella eich sgiliau rhifedd yn y gweithle. Cysrsiau pwrpasol a grëwyd ar anghenion y cyflogwr, ac ar gyfer cyfranogwyr di-waith sy'n edrych i ddysgu sgiliau newydd a chydymffurfio a anghenion y cyflogwyr y maent yn gobeithio cael cyflogaeth â nhw.
Cyswllt:
01554 748167
multiply@ceredigion.ac.uk
- Jig-So Un, Dau, Tri**
Cwrs wedi'i leoli yn Aberteifi ar gyfer rhieni a gofalwyr. Nod Jig-So yw hybu gallu rhieni a gofalwyr i ddefnyddio mathemateg yn eu bywyd bob dydd, gartref, i gefnogi eu plant ac yn y gwaith. Bydd y cwrs yn cynnig cymorth a chynghor i fynd i'r afael â rheolaeth ariannol a dyled, yn ogystal â chefnogi cyllidebu dal-tal.
Cyswllt:
01239 615922
office@jigso.wales
- Lle'r Teulu Dirgelwch Ariannol**
Grŵp ar-lein ar gyfer oedolion a phrofiad gofal, 19 oed a hŷn nad oes ganddynt TGAU mathemateg. Bydd y cwrs yn edrych ar realiti arian syfnaol gyda ffocws therapiwtig. Cefnogaeth ac ymgysylltiad a ddarperir drwy drefnu taith i deulu a ffrindiau mewn gwirionedd.
Cyswllt:
info@thefamilyplace.co.uk
- Rhaglen Lluosi i Rhieni**
Cysrsiau wyneb yn wyneb ac ar-lein a ddarperir ar gyfer rhieni Ceredigion Gyfan. Cwrs i rieni sydd am gynyddu eu sgiliau rhifedd eu hunain i gefnogi eu plant, a'u dilyniant eu hunain.
Cyswllt:
mfaw@equaleducationpartners.com
- Sgiliau Allweddol Ceredigion CC**
Bydd cwrs a ddarperir ar draws y sir yn cefnogi pobl ifanc 19+, unigolion a theuluoedd sy'n cynnig mynediad at ddatblygu sgiliau rhifedd trwy amrywiaeth o gyfleoedd hyfforddi. Bydd Sgiliau Allweddol yn cefnogi pobl a busnesau drwy gynnig hyfforddiant rhifedd. Efallai y bydd angen i rai ailhyfforddi, ailsgilio ac uwchsgilio. Bydd cyfleoedd dysgu wyneb yn wyneb a chyfunol ar gael i sicrhau bod gan bawb fynediad at gyflawni eu potensial.
Cyswllt:
admin@dysgubro.org.uk
01970 633540
- Cymunedau'n Cyfrif CAVO**
Yn agored i leoliadau Cymunedol a hybiau ar draws y Sir, sy'n credu y byddai eu cymuned eu hunain yn elwa o gymorth rhifedd. Bydd y cysrsiau'n anelu at wella sgiliau rhifedd, cefnogi pobl i ymdopi â heriau costau byw cynyddol, cyllideb ariannol, coginio ar gyllideb a deali costau ynni.
Cyswllt:
01570 423 232
gen@cavo.org.uk

Cyngor Sir CEREDIGION
County Council

FFYNIANT BRO

Mae gan y cynllun Lluosi nifer o ymyriadau a chyfleoedd hyfforddi pwrpasol, sy'n cefnogi pobl ifanc 19+, unigolion a theuluoedd, trwy gynnig mynediad at ddatblygu sgiliau rhifedd trwy amrywiol gyfleoedd hyfforddi ac ati sy'n arwain at achrediad, cymwysterau a chyfleoedd cyflogaeth gwell. Mae'r Gwasanaeth Dysgu Gydol Oes a Sgiliau yn gyfrifol am ddatblygu sgiliau a fydd yn galluogi pobl i wneud newidiadau bywyd effeithiol a chyrraedd eu llawn botensial.

Mae Lluosi hefyd yn cefnogi pobl a busnesau drwy gynnig hyfforddiant rhifedd. Efallai y bydd angen i rai ailhyfforddi, ail-sgilio ac uwch-sgilio. Mae cyfleoedd dysgu wyneb yn wyneb a chyfunol ar gael i sicrhau bod gan bawb fynediad aer mwyn cyflawni eu potensial.

Mae'r Gwasanaeth Dysgu Gydol Oes a Sgiliau yn gweithio ar y cyd â chydweithwyr Porth Cymorth Cynnar i sicrhau ein bod yn cyflwyno darpariaeth all gyrraedd ein dysgwyr mwyaf agored i niwed h.y.-

- *Plant sy'n Derbyn Gofal 19+ oed a'r rhai sy'n gadael gofal.*
- *Pobl ifanc 19+ sy'n gysylltiedig â'r Gwasanaeth Troseddau Ieuentid.*
- *Pobl ifanc ag Anghenion Dysgu Ychwanegol*
- *Pobl ifanc sydd mewn perygl o fod yn NEET.*
- *Pobl ifanc bregus 19+ sydd wedi ymddieithrio o'r farchnad lafur.*
- *Pobl sy'n cael eu heffeithio gan waith sy'n cyfyngu ar gyflyrau iechyd ac anabledau.*
- *Pobl â chyfrifoldebau gofalu.*
- *Pobl dros 50 oed sy'n ddi-waith e.e. oherwydd y pandemig.*

Mae Cynghorwyr Hyfforddiant Lluosi a Gweithwyr Ieuentid Cymunedol yn cefnogi pobl ifanc 19+, unigolion a theuluoedd i adnabod unrhyw rwystrau posibl a chytuno a gweithredu cynlluniau realistig i'w cynorthwyo i gael mynediad at gyfleoedd hyfforddiant rhifedd, a all

arwain at gyflogaeth. Defnyddir nifer o dechnegau a strategaethau sydd wedi'u profi er mwyn sicrhau bod gan bob unigolyn yr offer a'r sgiliau i dyfu a chynnal eu haddysg a/neu gyflogaeth.

Mae prosiect Lluosi yn cael ei gyflwyno ledled y sir. Ar hyn o bryd rydym yn cydweithio â nifer o bartneriaid i ddarparu sgiliau rhifedd / llythrennedd / digidol o fewn ein cymunedau e.e. neuaddau cymunedol / pentref, ysgolion cymunedol, neuaddau eglwys ac ati.

Y sefyllfa bresennol

Sgilliau Bywyd Sgilliau Gwaith

Ar hyn o bryd rydym yn darparu ystod o gymhwyster achrededig lefel 1 a lefel 2 ar gyfer dysgwyr blwyddyn 10 ac 11. Yn ystod blwyddyn academaidd 2022/2023 cyflawnodd 72 o ddysgwyr achrediaidau a mynychodd 81 o ddysgwyr o bob un o'r saith Ysgol Uwchradd / Ysgolion Gydol Oed yng Ngheredigion a'r UCD y Cwricwlwm Amgen.

Cynigiwyd lleoliadau profiad gwaith i 36 o ddysgwyr.

Gweler isod cyrsiau sydd yn cael eu darparu ar hyn o bryd gan brosiect Sgilliau Bywyd Sgilliau Gwaith.

Cwrs / Course	HCT Llanbadarn	Cwrtnewydd	ICY Tregaron
Mecanwaith / <i>Mechanics</i>	x2	x2	
Astudiaethau Tir / <i>Land-based Studies</i>	x1	x1	
Adeiladwaith / <i>Construction</i>	x1	x1	
Gwaith Coed / <i>Carpentry</i>	x1	x1	
Lletygarwch / <i>Hospitality</i>	x1	x2	
Gofal Plant / <i>Childcare</i>	x1	x1	
Celf a Dylunio / <i>Art and Design</i>	x1	x1	
Chwaraeon / <i>Sports</i>			x2
Trin Gwallt / <i>Hairdressing</i>	x1	x1	
Cyfryngau Digidol / <i>Digital Media</i>	x1		
Gwaith Plymwr / <i>Plumbing</i>	x1		
Peirianneg / <i>Engineering</i>	x1		

Lluosi

Mae dros 170 o ddysgwyr unigol wedi ymgymryd a'r prosiect Lluosi hyd yma, gyda rhai yn cymryd rhan mewn sawl cyfle i ddysgu.

Gweler isod y gweithgareddau Ymgysylltu, gweithgareddau Dysgu a'r gweithgareddau cyhoeddusrwydd presennol sydd ar y gweill ar gyfer y prosiect Lluosi.

Presenoldeb sy'n parhau mewn gwahanol fannau galw heibio ar draws y sir a chysylltiadau â chysylltwyr cymunedol ac Age Cymru.
Digwyddiad cymunedau gwledig yn Nhregaron a sesiynau wythnosol yn cael eu cynnal.
Mynychwyd digwyddiad gofalwyr yn Felinfach gyda rhywfaint o ymgysylltiad.
Cyswllt â chanolfannau teulu (parhaus) + paratoi gweithdy ar Gyllidebu ar gyfer Parti yng nghanolfan deulu Tregaron.
Cynnal gweithdai trefnu blodau sy'n parhau.
Cynnal Cyrsiau Excel sy'n parhau ar gyfer staff y cyngor.
Cwrs wedi'i gynllunio ar ddefnyddio 'Forms' wedi'i gysylltu â Thaenlenni ar gyfer y Tîm Gofalwyr (Olrhain Cronfa Gofalwyr).
Gweithdy ar Gyllidebu ar gyfer Parti a ddarparwyd yng nghanolfannau teuluol Tregaron a'r Borth
Cyrsiau wedi'u cynllunio ar gyfer trysoryddion clybiau (ar y cyd â Cheredigion Actif a CAVO).
Presenoldeb rheolaidd yng nghanolfannau gwaith Aberystwyth ac Aberteifi.
Cefnogaeth i'r grŵp ADY presennol yn Ray Ceredigion, a allai arwain at ddysgu sylweddol. Posibilrwydd hefyd o weithio gyda grŵp dementia.
Cysylltu â'r Tîm Cymorth Cyflogaeth i sicrhau presenoldeb yng nghanolfannau gwaith Aberystwyth ac Aberteifi.
Taith ar fws wedi'i chynllunio, i arddangosfa hanes teulu.
Gwnaed cyflwyniad i Siambr Fasnach Llanbedr Pont Steffan i ennyn diddordeb.
Cyflwyniad a roddwyd i Ddigwyddiad Rhwydwaith Pathfinders, gan gynnwys gweithwyr iechyd cyhoeddus y GIG proffesiynol
Mae darpar weithwyr cymdeithasol dan hyfforddiant hefyd yn cael eu cyfeirio atom gan dîm Dysgu a Hyfforddiant CSC.
Cysylltiad wedi'i wneud â Tai Gorllewin Cymru.
Cydweithio wedi'i gynllunio gyda'r Ymddiriedolaeth Genedlaethol Llanerchaeron er mwyn cydweithio ar wahanol fentrau.
Cydweithio wedi'i gynllunio gyda Gŵyl deuluol Crug Mawr – ymchwilio dichonoldeb gosod Record Byd Guinness.
Cysylltu â CFFl Tregaron ynghylch cydweithio a chyrsiau posibl.
Cydweithio gyda Jig So wedi'i gynllunio ar gyfer cyrsiau teuluol yn Aberteifi.

Gweithgareddau dysgu
Gweithio gyda phrosiectau grŵp Ysbrydoli'r Gwasanaeth Ieuenctid, gan gynnwys Coginio ar Gyllideb.
Cefnogaeth 1-1 i Dîm Cymorth Cyflogaeth - dysgwyr sy'n cael eu cyfeirio (gan ddefnyddio Excel) – symud ymlaen i gymhwyster ICDL.
Cyrsiau wythnosol wedi'u cynllunio gyda chanolfannau teulu yn Nhregaron, Borth a Llandysul, gan gynnwys ymgorffori rhifedd wrth greu murluniau a gerddi cymunedol.
Cefnogaeth wythnosol 1-1 ar gyfer atgyfeiriadau gan GIG Gorwelion
Cyrsiau wedi'u cynllunio ar gyfer tri grŵp yn Ray Ceredigion, gan ymgorffori rhifedd mewn coginio a garddio sydd i fod i ddechrau ym mis Mai.
Cwrs wythnosol yn Nhregaron.
Cwrs wythnosol yn Aberaeron
Cefnogaeth 1-1 wythnosol i ddysgwyr ag ADY.
Sesiwn 1-1 yn cael ei gynnal ar-lein.
Grŵp wythnosol ar gyfer dysgwyr ag anghenion dysgu ychwanegol cymedrol sy'n cael eu cynnal yn Ray Ceredigion.
Dysgwyr cwrs garddio Gorwelion GIG sy'n cael eu cyfeirio gan y GIG.
2 x weithdy fel rhan o Gwrs Lletygarwch Tîm Cymorth Cyflogaeth ar sut i drin arian.
Mae cyrsiau ymarferwyr rhifedd yn cael eu cynnal ar draws Cymru.
Gweithdai a ddarperir ar ran Mencap ar sut i drin arian.
Sector gofal plant – rhifedd wedi'i wreiddio wrth ddarparu cwrs gwarchodwr plant.

Gweithgareddau cyhoeddusrwydd
Hysbyseb radio cenedlaethol.
Hysbyseb yn Ego.
Hysbyseb yn y cylchgrawn gofalwyr.
Poster mewn trefi a phentrefi.
Digwyddiadau wedi'u postio ar Dewis Cymru.
Cyflwyniadau/cyswllt â thimau allweddol yn CSC a rhanddeiliaid allanol.
Sefyll y tu allan i M&S Aberystwyth.
Cyfryngau cymdeithasol trwy dudalennau Instagram a Facebook Dysgu Gydol Oes a Sgiliau
Poster Cyfeirio Lluosi Cynnal Y Cardi.

Llesiant Cenedlaethau'r Dyfodol:

Oes Aseiad Effaith Integredig wedi ei gwblhau? Os na, esboniwch pam

Ddim yn berthnasol ar hyn o bryd

Crynodeb o Aseiad Effaith Integredig:

Hirdymor: Ddim yn berthnasol ar hyn o bryd

Cydweithio: Ddim yn berthnasol ar hyn o bryd

Cynnwys: Ddim yn berthnasol ar hyn o bryd

Atal: Ddim yn berthnasol ar hyn o bryd

Integreiddio: Ddim yn berthnasol ar hyn o bryd

Argymhelliad / Argymhellion:

Ddim yn berthnasol ar hyn o bryd

Rheswm / Rhesymau dros y penderfyniad:

Ddim yn berthnasol ar hyn o bryd

Enw Cyswllt: Mark Gleeson

Swyddogaeth: Rheolwr Corfforaethol ar gyfer Dysgu Gydol Oes a Sgiliau

Dyddiad yr Adroddiad: 22/04/2024

Acronymau:

Cronfa Ffyniant Gyffredin y DU (CFfG)

Cronfa Gymdeithasol Ewrop (CGE)

Ddim mewn Addysg, Cyflogaeth na Hyfforddiant (NEET)